

Den caso di homber di 34 anja cu a comete actonan immoral cu mucha di 14 anja

Hues cu tono rabia a expresa cu hombernan adulto mester tene nan man leu for di muchanan menor di edad



ORANJESTAD – E persona masculino K. a presenta den Corte pa responde pa e delito cu el a haci. E ta wordo acusa cu den e periodo entre November 2007 y 12 Februari 2008 a haci actonan immoral cu un mucha muhe menor di edad. Ta asina cu K. a mishi cu partinan intimo di e mucha menor di edad.

Den sala di Corte tabata presente familiarnan di e acusado, kende no tabata cera. Hues a muestra cu tin denuncia haci na Polis contra K. di parti di mama di e mucha. Ta asina cu e mama a muestra cu e yiu muhe lo a ganja e mama cu e lo a bay serca un persona. E mama a bay check e celular di e yiu y a constata cu e yiu muhe ta yama un homber. Na dado momento e yiu muhe a conta su mama cu e tabata topa cu e homber K. pa un periodo di 3 luna.

HOMBER TA MISHI PARTINAN INTIMO

E mama a dicidi di consulta cu Polis y Polis a bisa e mama pa presenta na warda di Polis cu e yiu muhe. Eynan e mucha a bisa cu nan no tabatin relacion sexual pero si cu K. lo a

mishi cu su partinan intimo. E ora ey e mama a haci denuncia contra K. di 31 anja cu tabata anda cu su yiu di 14 anja. Via di un amiga di e mucha, K. tabata vrij cun'e. Durante ora nan di school e mucha tabata topa cu K. y K. tabata mishi y

chupa su partinan intimo. Segun e mucha el a bisa K. cu e tin 14 anja pero K. no a haci nada. Segun e amiga, el a hala atencion di e victima y tambe K. pero nan no kier tende. Hasta e mama di e amiga a papia cu K. pero K. no kier tende. Ora e victima a bisa e amiga cu e ta stima K. el a bisa e victima pa no bin su cas mas. E mayornan di e amiga a hala atencion diferente biaha di K. pero e no kier a tende. Esey a pone tambe cu e situacion a yega asina ley cu na dado momento Polis a yama K. pa presenta na warda di Polis caminda a detene solamente un dia so. Hues a muestra cu investigacion di dokter ta muestra cu e mucha ainda ta virgin.

ACUSADO TA CULPA E MUCHA

Hues a lamenta cu e victima no tey pa puntr'a cierto cosnan cu K. a declara. El a cuestiona e hecho cu K. ta blo tira culpa cu e mucha di a pidi'e pa haci cierto cosnan cun'e. Hues ta haya stranjo cu Polis no a bay investiga mas leu.

ACUSADO A KEDA 1 DIA

SO SERA

Segun K. e no tabata sa cu esaki tabata contra ley. Hues a remarca cu tanto mama como tata di e amiga di e victima a hala su atencion cu loke e tabata haci no ta bon. Hues a bis'e cu e mester sa, cu loke tabata haciendo no ta bon. Haya stranjo cu K. a keda solamente 1 dia sera so. El a remarca cu un otro caso cu ta un mucha cu tabatin relacion cu un gay y e gay a keda mas cu 20 dia sera. Pakico cierto Polis ta severo y otro no. Con por ta. El a senjala cu tabatin un caso tambe di un padastro cu tabata abusa di su yiu y nunca e persona aki a wordo deteni. Ta den Corte el a wordo condena y Hues a duna orden pa detene di biaha.

EXIGENCIA FISCAL

Fiscal a muestra cu door di investigacion di e mama, a bin haya sa cu su yiu muhe tabatin contacto cu un homber. K. a admiti di a haci actonan immoral cu e mucha. El a muestra cu ley a pone e tipo di cosnan aki castigabel. Si ta e mucha mes lo a pidi K. haci'e, ley ta pone esun cu a haci'e cun'e cu ta mayor di edad ta bira castigabel. E ley ta pa defende e mucha cu por haci cosnan cu e no ta conciente kico realmente e kier y ta haci cosnan cu despues e ta lamenta.

El a cuestiona e hecho cu 1 dia despues cu K. a keda deteni el a wordo laga liber. Ta pesey nunca e caso a yega na Ministerio Publico. Si tabata pa Ministerio Publico, K. lo a keda sera te ora e caso bin dilanti. Fiscal a muestra cu apesar di a wordo adverti pa hendenan adulto pa stop, K. a sigui toch.

El a tene cuenta cu K. no a sinta castigo pa loke el a haci. Sinembargo e caso tin 1 anja den investigacion y nunca K. a cay sera. Fiscal no ta kere

cu lo mester manda K. bay sera den KIA. El a exige 211 dia di prison, kitando e 1 dia cu el a keda sera. E 210 dia cu ta resta ta bira condicional cu un tempo di prueba di 2 anja y como condicion special el a exige servicio comunitario pa 240 ora y cu K. Mester cumpli cu esaki den un periodo 9 luna.

ABOGADO

Abogado mr. Scheper a remarca cu for di e investigacion ta muestra cu K. y e mucha a gusta otro. Ariba un dia K. a haya sa cu Polis ta busk'e y a bin haya sa cu a base di denuncia di mama di e mucha, e ta wordo busca. El a bay duna declaracion amplio di loke sosode entre nan dos. Investigacion medico a muestra cu no tabatin penetracion. Ta un hecho cu K. ta castigabel y dilanti Hues Comisario el a expresa di ta lamenta di loke a sosode.

Segun mr. Scheper ta door di esey el a wordo laga liber. E ta haya cu ta e mucha mes a busca pa tin relacion cu K. E tabata busca contacto cu K. E mucha tabata manda masha hopi mensahe erotico pa K. E ta comparti opinion di Hues cu ta di lamnenta cu e mucha no tabata presente den Corte pa haya sa un ke otro. E ta haya cu e mucha voluntariamente kier tin relacion cu K.

El a muestra cu a base di ley ora ta trata di relacion voluntario, no por persigui K. Mr. Scheper a muestra cu na Hulanda un caso caminda e homber tabata mas grandi, a impone 20 ora servicio comunitario. Esaki indica cu e moral a cambia. El a pidi Hues pa impone un castigo condicional y servicio comunitario pero menos cu loke Fiscal a pidi. Mr. Scheper a senjala na Aruba ta bisto cu muchanan hopi

jong ta tene relacion. E no ta kere cu hobennan no por para responsabel pa nan acto. No por ta asina cu e hoben ta provoca y ta bay persigui esun cu a haci'e pasobra ley ta bisa asina.

Fiscal a remarca cu enberdad e caso a sosode na Leeuwarden na Hulanda pero e actitud sexual na Hulanda ta otro cu Aruba. Na Hulanda ta mucho mas habri pa cu sexualidad. Na Hulanda e hecho di matrimonio di mesun sexo causa hopi problema na Aruba.

Na Hulanda tin e mesun ley cu ta usando na Aruba. E Hues y Fiscal na Hulanda ta haya cu mester cambia e ley pero Legislacion no a haci esaki. Na Aruba ta desapropa totalmente cu un persona adulto por haci actonan immoral y mucho menos tene relacion sexual cu un mucha menor di edad. Fiscal a pesisti cu su demanda. E ta haya cu K. a probecha di e situacion cu e no a wordo sera.

SENTENCIA

Hues a sera tratamiento di e caso y a dicta sentencia di biaha. E ta haya legalmente proba cu K. ta culpable. El a tene cuenta cu ta prome biaha K. a cay sera. Tambe el a tene cuenta cu seriedad di e caso aki. Hues ta comparti opinion di Fiscal cu ley ta pa proteha e mucha cu facilmente por wordo influencia di personanan adulto.

E mensahe mester ta bon cla cu hombernan adulto tene man leu di mucha menor di edad. Hues a rechaza ponencia di abogado cu na Hulanda ta tolerable. E no ta kere cu comunidad Arubano lo bay di acuerdo cu e pensamiento di Hulanda pa muchanan menor di edad por tin relacion. El a confirma exigencia di Fiscal.



MI TA POSITIVO CU

BON DIA *Aruba*

Abo sa con bo por stop e sufrimento di mundo?



CHAT CU MENTE POSITIVO